

Góan *Gentleman***BAhoansoan**

Gentleman sī góa chhī ê káu-á, i tī 2001 M̄ 7/28 thàu-chá sí--khì.

Gentle, lí chit-má teh chhòng sáⁿ? Teh khùn? Kin-á-jit ū chiáh sím-mih--bô? Lín hia ē kôaⁿ--bē? Lí ê chiáⁿ-kha kiám iáu ē thiáⁿ? Kā lí chù-siā ē ūi hó--bōe?

7 gòeh 30 hit-jit sàng lí chhut-soaⁿ. Góa iōng sok-ka tē-á kā lí pau..leh, kôaⁿ khì káu-á-tiám, kau hō hóe-chòng-tiūⁿ ê thâu-ke. Pài-thok i kā lí hóe-hòa. Góa siūⁿ-tiòh chiok m̄-kam! Beh lī-khui ê sī, góa it-tit bong hit-kài sok-ka tē-á, sim-koaⁿ íⁿ-á phók-phók chháⁿ, âu-kúg tīⁿ--khí--lâi, bák-sái kâm bák-kīⁿ, háu tī sim-koaⁿ té. Kiaⁿ hō thâu-ke khòaⁿ--tioh, hō lāng chhiò!

Lí tòe góa ū 12 nī hiah kú. Góa chin hán-tit kā lí sioh. Chún ū, mā-sī thèh hó-liāu..ê hō lí chiáh niá. Chēng poaⁿ kòe-lâi Lâm-pơ liáu góa chiū m̄-bat kā lí mōh--kòe. Góa tui káu-á bô sím-mih hó kám, in-ūi sè-hàn bat hō káu-á kā--kòe! Ê liáh lí tng-lâi chhī sī in-ūi lí ê chú-lāng tú-hó sī góa ê hōan-chiá. I tài jiō-tók chēng, tiòh ài khò sé io-chí kòe-jit. Góa put-sī kap i khai-káng, tī i sé io-chí bô liâu ê sī-chūn. Góa thiaⁿ i kóng lín bú..á seⁿ bē chió káu-á kiáⁿ, koh liáh lí lâi pēⁿ-īⁿ sng-lāng. Góa tiòh sī hō lí kó-chui tit-lāng-thiáⁿ ê seⁿ-tiuⁿ sahⁿ--tiòh! Chiaⁿ ē

chhân-chhân kā lí mōh--tng--lâi! M̄-kú góa mā bô tiāⁿ-tiāⁿ kā lí mōh, kā lí sioh.

Lí kiám iáu ē kì--tit? Khí-thâu lí sè-chiah, m̄-bat kui-kí, tī chhù--nih σ-pèh kā. Phòng-í, chhián-thoa, phoe-ê kap saⁿ-á-khò lóng hō lí kā kàu chhùi-kô-kô. Góa khí-mơ báí chiū kā lí koaiⁿ tī piān-só! Loh-bóe lí koh tī hia σ-pèh pàng sái-jiō, góa kui-khì kā lí tàn khì 4 lâu-bóe téng! Hō lí chit-ê kơ-toaⁿ tī hia. Chit-khóan ê sī-jit lóng-chóng tú-hó 1 nī.

1990 lán poaⁿ-lâi Lâm-pơ liáu-āu, lí ê thian-tē pián kàu khoah-khoah-khoah! Tī chia, lí siōng tōa. A-Púi..ê(kang..ê) kap *Candy*(bó..ê) lóng iáu-bōe lâi. 150 phēⁿ ê khong-kan sūi-chāi lí cháu, thiàu, lòng, chông! Hī-tī-á lí mā thiàu loh-khì sng. Āu--lâi koh ū Ah-bī-á lâi chò-phōaⁿ. Jit--sī kā lí sai-nai, mê--sī kap lí kheh-sio, khùn sio-óa. Che eng-kai sī lí ê hó thiⁿ-nī. A-Púi..ê lâi, lí iáu-sī láu-tōa..ê. *Candy* mā kāng-khóan. Sui-bóng lí hàn-chháu siōng-kài sè. In mā lóng jīn-tēng lí sī tōa..ê, m̄-káⁿ kap lí ké-siáu. Siōng hō lí khí-mơ báí kap ut-chut..ê khó-lēng sī *Candy* teh siáu ê sī, kan-ta A-Púi..ê thang óa--khì, lóng bô lí ê hūn, hāi lí “khòaⁿ ū chiáh bô kan-ta giàn!”

Lí sè-sè chiah, thih-m̄ng phāng chhng--chit--ē chiū chhut--khì. Ták-jit lí lóng tī lán chia chò kóan-khu..ê. Keh-piah Sò-sàng in tau, tui-bīn Ông keng-lí ê chhù, tò-pēng Chan--sian--siⁿ ê m̄ng-kháu lóng-sī

lí ê tē-pôaⁿ. Bô pát-chiah káu pí lí khah tōa!
 Múi-jit tiong-tàu, iû-chhai sian-siⁿ nā lâi, lí
 chiū hē siⁿ-miā pūi, àuⁿ-àuⁿ kiò. Iû-chhai
 chin siū-khì, chiū iōng chhê-á kā lí siāu, kā lí
 kòng. Ê kì-tit ũ chit-pái lí hō lāng kòng chit-ê
 kaiⁿ-kaiⁿ-kiò, chha chit-tiám-á pái-kha!
 M̄-kú lí iáu-sī m̄-kiaⁿ sí, chiàu-siōng tī
 m̄ng-kháu kò, khòaⁿ-tiòh iû-chhai mā-sī
 kè-siòk pūi. Lāng kóng káu pūi hóe-chhia sī
 bô lō-iōng. Lí sī káu pūi iû-chhai thó phòe
 thiàⁿ! Aih, lín káu-á-kok..ê ná ē hiah-nih
 chheh iû-chhai?

Ták-pái góa nā tī tiāⁿ--nih teh chò sit,
 lí lóng ē kiāⁿ óa--lâi, tiām-tiām phak tī hia,
 ām-kún tah tī thō-kha, bák-chiu tōa-tōa
 khian, kim-kim kā góa siōng. Lí hit-khóan ê
 gán-sîn góa chiok kah-ì. Sī hiah-nih-á
 chū-jiân kap khin-sang, bô hōan bô ló.
 Ná-chhiūⁿ teh kā góa kóng, “Thâu..ê, góa
 chin ài kap lí chò-phōaⁿ neh.” Lí chiū án-ne
 tiām-tiām liáh góa kim-kim khòaⁿ. Góa nā kā
 lí gán--chit--ê, lí chiū bôe-liu iô--n̄ng--ê. Góa
 siōng ài chit-khóan tiūⁿ-bīn kap khì-hun. Lán
 hō-siōng lóng ũ kám-siū tui-hong ê chūn-chāi
 kap hō-siōng koan-sim ê hó-ì, khiok bô
 chō-sêng hō-siōng jīm-hô ê put-an kap
 khùn-jiáu. Góa lóng ke-kiám ē khì kā lí
 so--chit--ê. Piáu-sī góa ê ài-sioh, sui-bóng
 góa m̄-sī chin ài káu-á. Chóng-sī góa chin
 hán-tit kā lí m̄h.

Ê kì--tit bô? *Candy* tú lâi hit-chām-á,
 góa ták-kang chiáh-pá siuⁿ-êng chhōa lín khì

Jîn-bí Kok-hāu ũn-tōng-tiāⁿ cháu. Góa cháu
 chò chêng hō lín jiok. Lí, A-Pûi..ê kap *Candy*
 lóng cháu kàu chiok hoaⁿ-hí. Hit-chūn
 A-Tekk chiah 8 hòe, I-Mee 5 hòe, I-Maa 39
 hòe, góa 41 hòe, lí chiah 1 hòe thóng niâ. Lán
 lóng chò-hóe chhut-m̄ng. Sui-jiân ták-pái
 lóng kui-sin tâng-kōaⁿ, mā kám-kak chin
 sòng-khòai kap khí-mơ giang. Sng--khí--lâi
 mā í-keng sī 10 nî chêng ê tãi-chì--lah. Chin
 kín! Jîn-seng mā bô kúi-ê 10 nî.

Lí hō góa siōng khí-mơ báí..ê chiū-sī
 kiò bē lâi! Ū chit-àm, góa beh koaiⁿ-m̄ng khì
 khùn, tī m̄ng-kháu kiò lí jip--lâi. Kiò kui-pò,
 lí tiòh sī m̄-khéng jip--lâi. Koh chò lí
 cháu--khì! Góa hóe tōa khí-mơ báí, chhut-khì
 kā lí liáh--jip--lâi. Góa chhùi ná chhoh, chhiú
 ná kā lí phah thâu-khak. Lí hō góa phah liáu
 chin thiàⁿ, sòa tōa-siaⁿ kaiⁿ, koh beh kā góa
 kā! Hō góa phah chit ē koh khah thiám!!
 Jip-khì pâng-keng liáu-āu, góa chiah khai-sí
 hóan-hóe! Góa ná ē kā lí phah kàu hiah thiám?
 Bē-su beh kā lí phah hō sí--leh! Hit-mê it-tit
 teh siūⁿ, m̄-chai ē kā lí phah chit-ê thâu-khak
 pháíⁿ--khì bô? Góa sêng-jīn hit-àm chiú lim
 siuⁿ chē, sái sêng-tē, chiah ē hiah-nih
 chhō-ló! Chin sit-lé!

Ū kúi-pái lí kám-mō, chhóan-khùi ē
 hiuhⁿ, phīⁿ-thâu ta-ta, lâu bák-sái-ko,
 chhùi-chih thó-thó, bô gōan-khì. Góa khòaⁿ
 tiòh chin m̄-kam. Iōng iòh-á hō lí chiáh. M̄-kú
 góa m̄-chai iòh-liōng beh án-chóaⁿ sng.
 Hó-ka-chài, góa ê hó pêng-iú Koeh i-su sī

siù-i. I kà góa cháiⁿ-iūⁿ kap iòh-á hō lí chiáh.
 Ī-hông-siā mā lóng-sī i bián-chiⁿ hō góa iòh-á
 kā lín chù..ê. Taⁿ, lí lóng bē koh-chài
 kám-mō--ah. Góa m̄-chai kiám ài thè lí
 hoaⁿ-hí?

Lí ê thâu-chêng chiàⁿ-kha, chin chá
 tiòh seⁿ liū. Khí-thâu góa lóng bô iàu-ì, siūⁿ
 bē kàu sòa jú lâi jú tōa. Kàu pòⁿ nī chêng ê
 khoán, lí khai-sí kiáⁿ tiòh lō iōng chhiáng..ê,
 góa chiah chai-iaⁿ tãi-chì giâm-tiōng--lah.
 Chóng-sī siù-i mā jīn-tēng bô iàu-kín. Góa
 chiū bô koh kā lí koan-sim, ták kang khòⁿ lí
 iōng saⁿ ki kha chhiáng--leh, chhiáng--leh.
 Khòⁿ kàu góa ka-kī mā bâ-pì! Chit-chām-á,
 I-Maa chhut-kok, góa koh ūi-tiòh Bīn-sī 8/5
 beh hoat-piáu lūn-būn kap TLH 8/19 beh
 sêng-lip, ták-jit mā bô-êng kàu 1 tiám gōa
 chiah chiáh tióng-tàu-tng. Âm-sī tng-khì kàu
 chhù lóng mā chiok thiám. Kán-tan khiat
 kóa-á chhī-liāu hō lín chiáh tiòh koh khai-sí
 bô-êng góa ê tãi-chì. Lóng bô thang kā lín
 khòⁿ--chit--ē. Kàu 7 gòeh 10 gōa ū chit-jit
 I-Mee kā góa kóng lí ê kha teh nōa, koh ū
 chhàu-bī. Góa chiah chim-chiok khòⁿ. A-niâ
 òe! Lí ê kha-tê-á í-keng nōa beh
 chit-pòⁿ--lah! Kut-thâu mā khòⁿ hiān-hiān!
 Góa khòⁿ chit-ē, chit-hong-bīn phīⁿ-tiòh
 chhàu-bī bô sóng-khòai, lēng-gōa mā
 kám-kak góa chit-ê Thâu..ê sit-chit, bô
 chek-jīm! Góa sim-koaⁿ chhiūⁿ to teh koah!
 Kui-kang sim-chêng lóng chiok bá. Hit-jit
 góa lóng-chóng chiáh chit-tng p̄ng niâ. Bô

hoat-tō, góa ka-kī kā lí chù-siā, iōng siōng
 kiông ê iòh-á, *Amikin*, kā lí chù. I-Mee mā
 khòⁿ lí khó-liân, khì bé hó-liāu..ê lâi hō lí
 chiáh. Hi-bāng lí ê té-khòng-lát ē khah kiông.
 Chù 5 kang kám-kak ū chìn-pō, chiū
 thêng--lòh--lâi. Kòe bô kúi jit, thiaⁿ tiòh lí
 teh hiūⁿ, góa chiū chai-iaⁿ chit-siaⁿ
 bá--loh, koh chài kā lí chù-siā.

7 gòeh 28 hit-àm, Tâi-pak hiah-ê gín-á
 lâi lán chia. Hit-àm góa chài in tng--khì. Góa
 khòⁿ-tiòh lí bô sím-mih gōan-khì, phak tī
 thô-kha, chhóan-khùi mā chin chiáh-lát.
 Hit-chūn góa chin chai-iaⁿ lí khó-lēng thoa bē
 kòe keh-tng-jit! Lí kā góa thèh hō lí ê bah
 chhìn-chhái chiáh--kúi--chhùi--ah, chiū koh
 phak--leh! Góa mā bô koh chhap..lí, jip-khì
 chò góa ê tãi-chì.

7 gòeh 29 sī lé-pài, góa ài khì
 siōng-pan. Góa beh chhut-m̄ng ê sī,
 khòⁿ-tiòh lí tó tī tiāⁿ--nih, 4 kha tit-tit,
 bák-chiu koh ū chin chē hô-sin teh chng. Góa
 óa khì kā lí bong, lí ê sin-khu léng-léng, 4 kha
 ngē-ngē. Lí í-keng lī-khui góa chò lí ka-kī
 chàu--khì. Aih, *Gentle!* Lí chin-chiàⁿ
 khì--lah! Góa bô siūⁿ beh khàu, khàu mā bô
 lō-iōng! Lí góa ê iân-hūn kàu chia
 ôan-kiat--lôh. Hi-bāng lí khì tī khòai-lòk ê
 sè-kài. Bô hōan bô ló.

Chiàu góa ê i-hák tì-sek phòⁿ-tōan, lí
 eng-kai í-keng kòe-khùi 5 tiám-cheng chó-iū.
 Sng---lâi lí sī tī 7 gòeh 29 ê thàu-chá 2,3 tiám
 hia tng-khùi..ê.

Taⁿ, góa tng--khi ê sî bē koh thiaⁿ tiòh lí pūi ê siaⁿ, chit-chióng ē hō góa sim-an koh chhin-chhiat ê siaⁿ. Tī tiāⁿ--nih chò-kang ê sî bô lí koh lâi kap góa sio-siòng, kā góa sai-nai. Chóng-sī kám-kak sit-khì sím-mih, khiok kóng bē chhut--lâi!

Sàng lí chhut-soaⁿ, chóng ē bák-kho ang, phīⁿ-kng sng, sim-chêng ut-chut. M̄-kú, che sī sū-sit, mā-sī bô hoat-tō thang kái-piàn ê tãi-chì. Siá chit-tiuⁿ phe hō..lí, kan-ta beh kì-liók kap siàu-liām lán ê chit-tōaⁿ iân-hūn, siāng-sī mā thong-tháu góa lōe-sim ê put-an kap phō-khiám.

Chài-hōe--lah, *Gentleman!*

Koh hō góa sioh--chit--ē!

10:47 PM, 2001/8/9

Sió-khóa chiú-chùi, Lâm-pơ Chhù--nih.

Lâu-su Òng-kai Hun-kip mah?

Tân Lêng-giók

Chin-chōe lāng lóng chai-iaⁿ kàu-iók sī liông-sim ê sū-giap, mā sī éng-hióng kok-ka chhim-óan koh kú-tng ê sū-giap. M̄-kú beh án-chóaⁿ hō chò lâu-su ê lāng lóng chin ũ “liông-sim” leh? Kî-sit m̄-kóan tī sím-mih thōan-thé lāi-té, lóng ũ lāng chò hó, ũ lāng chò báí. Lâu-su mā sī kāng-khóan, ũ hó lâu-su, ũ báí lâu-su, nā beh iàu-kiū tãi-ke lóng chin hó, sī chin khùn-lân ê tãi-chì. Lán ài siūⁿ..ê sī beh án-chóaⁿ thê-seng lâu-su ê lêng-lék kap ài-sim, kā bô sek-háp chò lâu-su ê lāng chhōe--chhut--lâi. Kóng chit-kù

khah sit-chāi..ê, ũ chin chió-sò ê lâu-su kin-pún bô siūⁿ beh kà-chheh, kan-ta tham-tiòh ũ kò-tēng ê sin-súi. I m̄-sī bē-hiáu kà, m̄-kú i bô beh iông-sim, chhin-chhái bú-bú--leh, sī-kan kòe--khi tiòh hō--lah. Hōaiⁿ-tit m̄-kóan án-chóaⁿ kà, mā sī niá hiah chōe sin-súi nā-tiāⁿ, hiah kan-khó beh chhòng sím-mih? Góa siūⁿ chò lâu-su ê lāng ài ka-kī ē-hiáu siūⁿ, lán bī-lâi lóng ài khò chiaⁿ ê gín-á. Kà bô hó-sè, hāi--tiòh..ê sī lán ka-kī! Lán chit-má chit chiam chit hun ê hù-chhut, sī bī-lâi tiám-tiám tih-tih ê siu-hék. Hù-chhut..ê lóng-sī teh thè lán ka-kī chō-hok. Nā tãi-ke lóng ē-hiáu án-ne siūⁿ, hó lâu-su it-tēng jú-lâi jú-chōe.

Chit-pái ũi-tiòh kàu-su hun-kip kap khó-chek it-tēng ài ũ kah-téng kap it-téng hān-chè ê tãi-chì, góa ũ chin-chhim chin-chhim ê kám-chhiok.

Tê-it, lâu-su ê khang-khòe kap kong-bū jîn-ôan ũ chin tōa ê chha-piát. Lâu-su tùi gín-á ê chek-jīm sī tài kui-jit..ê, bô hoat-tō hioh-khùn. Chiáh-png, khùn-tàu, chhit-thô, oan-ke, sio-phah, siū-siong...lóng ài chhau-hōan. Chò kòe pē-bó ê lāng lóng ē kám-kak gín-á óah beh hōan--sí, siūⁿ beh khah kín sak-sak khi hák-hāu hō lâu-su kóan. Ka-kī chhù--nih 1, 2 ê tiòh kóan kah kiông beh khí-siáu lah. Lâu-su ài kóan hiah chōe ê, sī-m̄-sī koh jú kan-khó--leh? Kó-chá ũ 1 kù ôe kóng,